

OGLAS ZA UPIS U PRVU GODINU STUDIJA NA UNIVERZITETU U SARAJEVU - MEDICINSKOM FAKULTETU U AKADEMSKOJ 2026/2027. GODINI

Upis u prvu godinu studija na Univerzitetu u Sarajevu - Medicinskom fakultetu akademske 2025/2026. godine, vršit će se u periodu od **13. 07. do 17. 07. 2026. godine do 15:30 sati.**

DOKUMENTACIJA POTREBNA ZA UPIS:

1. Popunjen **zahtjev za upis** u kome je tačno naznačen studijski program – **printa se iz informacionog sistema eUNSA.**
2. **Tri fotografije** - formata kao za pasoš, na poledini jedne fotografije obavezno čitko upisati ime i prezime
3. **Originali upload-ovanih dokumenta na eUNSA:**
 - a) originalna svjedočanstva i diploma o završenoj srednjoj školi,
 - b) rodni list,
 - c) uvjerenje o državljanstvu i
 - d) ostali uploadovani dokumenti.

Napomena za strane državljane/kandidate koji nisu završili srednju školu u BiH: Kandidati, koji nisu završili srednju školu u Bosni i Hercegovini, obavezni su prije početka akademske godine dostaviti Potvrdu odnosno **Rješenje o ekvivalenciji/nostrifikaciji** izdatu od strane Ministarstva za odgoj i obrazovanje Kantona Sarajevo.

4. **Dokaz o uplati sljedećih troškova:**
 - a) Uplatnica za troškove upisnine na iznos **od 300,00 KM** – Upisninu uplaćuju **samo redovni studenti**, čije troškove školarine snosi Kanton Sarajevo (**studenti na Budžetu.**)
 - b) Uplatnica za troškove školarine – uplaćuju **samo redovni studenti**, koji sami snose troškove studija (**samofinansirajući studenti**). Uplata prve rate u iznosu **od 3.000,00 KM.**

Napomena: Shodno Ugovoru o studiranju, uplata školarine za samofinansirajuće studente može biti izvršena jednokratno ili u dvije rate. Iznos školarine i upisnine za samofinansirajuće studente je 6.000,00 KM. Prvu ratu školarine, student je dužan uplatiti prije upisa na Fakultet.

Studenti posebne kategorije u statusu budžet/samofinansirajući koji imaju prebivalište u Kantonu Sarajevo (djeca šehida i poginulih boraca, djeca ratnih vojnih invalida, djeca dobitnika ratnih priznanja i odlikovanja i djeca bez oba roditelja) prilikom upisa **ne plaćaju upisninu/školarinu.**

- c) Uplata za troškove Informacionog sistema Medicinskog Fakulteta: uplatnica u iznosu od 10,00 KM.
- d) Uplata za troškove Informacionog sistema Univerziteta u Sarajevu: uplatnica u iznosu od 10,00 KM.
- e) Uplata za troškove upisnog materijala (Index, upisni list, semestralni list i ŠV-obrazac): uplatnica u iznosu od 30,00 KM.

Napomena: Index, upisni list, semestralni list i ŠV-obrazac preuzima se u Studentskoj službi isključivo **uz priloženu UPLATNICU u iznosu od 30,00 KM.** Primijeri uplatnica preuzimaju sa web stranice: www.mf.unsa.ba

NAPOMINJU se studenti da vode računa o ispravnosti unesenih podataka na uplatnicama, a prema datim instrukcijama!

5. **Ljekarsko uvjerenje** – za studente koji upisuju prvu godinu prvi put (**izdato isključivo od strane JU Zavod za zaštitu zdravlja studenata Univerziteta u Sarajevu, Patriotske lige 36**)

NAPOMENA: S ciljem efikasnijeg obavljanja pregleda i pribavljanja ljekarskih uvjerenja za upis u prvu godinu studija termin obavljanja ljekarskog pregleda za kandidate koji upisuju Medicinski fakultet je **24. i 27. 07. 2026. godine.** Ukoliko žele, kandidati mogu i prije navedenog termina izvaditi ljekarsko uvjerenje. Ljekarska uvjerenja moraju biti predana u Službu za nastavu i studentska pitanja do početka nastave (prvi ponedjeljak u oktobru).

6. **Potvrda** o obavljenom sanitarnom pregledu (mora biti predana u Službu za nastavu i studentska pitanja do početka nastave - prvi ponedjeljak u oktobru).

7. **CIPS potvrda o prebivalištu** - samo za kandidate iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a **koji imaju prijavljeno prebivalište u Kantonu Sarajevo.**

Napomena: U skladu sa članom 31. Zakona o visokom obrazovanju, Službene novine Kantona Sarajevo broj: 36/22, 28/25 studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja školarine, odnosno školuju se na teret Budžeta Kantona Sarajevo.

8. **Ugovor o studiranju** – potpisan od strane studenta u dva primjerka. Ugovor se preuzima sa web stranice: www.mf.unsa.ba

9. **Izjava o saglasnosti za obradu ličnih podataka studenta** - potpisana od strane studenta, preuzima sa web stranice: www.mf.unsa.ba

10. **Izjava o gramatičkom rodu u kojem će se štampati javne isprave koje izdaje Univerzitet u Sarajevu – Medicinski fakultet** - potpisana od strane studenta, preuzima sa web stranice: www.mf.unsa.ba

U skladu sa Konkursom Univerziteta u Sarajevu, objavljenim 08. 06. 2026. godine i Odlukom Univerziteta u Sarajevu o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2026/2027. godini, **kandidat koji je ostvario pravo na upis je obavezan dostaviti originale uploadovanih dokumenata Fakultetu i izvršiti upis u roku od 5 radnih dana od dana objave konačne rang liste, u suprotnom smatra se da je odustao od upisa na studijski program za koji je aplicirao.**

SLUŽBA ZA NASTAVU I STUDENTSKA PITANJA